



河朔訪古記卷中

元納新撰

六安晁貽端校刊



魏郡部

魏郡部彰德路禹貢冀州之域商河亶甲居于此戰國
爲魏之鄴地秦爲上黨邯鄲二郡地漢置魏郡曹操受
封于此稱鄴都後趙石虎前燕慕容雋並據之後魏曰
相州東魏曰司州北齊改爲清都郡唐曰相州又改鄴
郡梁置昭德軍後翁本作石晉改彰德軍金升爲彰德府國
朝先屬真定路後改彰德路立總管府領司一縣三安

陽湯陰臨漳

吳本州一林州

彰德路城中宋隸安陽縣國朝置錄事司以領之城之外仍屬安陽縣城郭周十九里總管府錄事司治及安陽縣治皆在城內焉

安陽縣春秋為戲陽戰國為魏寧新中邑秦更名安陽漢廢以其地入蕩陰屬河內郡魏併入鄴晉置安陽屬魏郡後周移相州及鄴縣于安陽故城治此隋復曰安陽尋改堯城屬魏郡唐以安陽為相州治改堯城曰永定宋改永定為永和尋省入安陽及省鄴縣分其地半

入焉宋金皆曰安陽縣國朝因之為彰德路倚郭縣

湯陰縣古羗里之地戰國為魏之蕩陰邑漢為翁本作蕩

陰縣屬河內郡晉屬魏郡後魏省隋改蕩源縣大業二

年省唐初分安陽縣地入貽端按入字蓋誤蕩源翁本作陰

誤屬衛州貞觀元年以蕩水微温改為湯陰縣屬相州

宋金國朝皆因之為彰德路屬縣云

臨漳縣本漢鄴縣地晉建興二年以愍帝諱改名臨漳

東魏孝靜置鄴縣于今鄴鎮又別置臨漳縣周武帝平

齊自鄴城移縣于今治仍屬魏郡隋開皇三年改隸相

州十年分縣地置長樂縣大業十年始築縣城暨唐及宋金皆為臨漳縣國朝因之為彰德路屬縣云

林州漢置隆慮縣東漢改隆為林隋析置淇本皆誤淇據隋志改

陽縣後改置巖吳本誤巖州金為林州國朝至元二年復為

縣又併輔岩吳本誤巖下同據元史及翁本改入焉未幾復為州割輔

岩入安陽仍以州隸彰德路

磁州禹貢冀州之域春秋屬晉戰國屬趙秦為邯戰郡

地漢為魏郡趙國地晉為廣平郡地後周置成安郡隋

置磁州唐天祐改惠州尋復磁州宋曰滏陽郡金以隸

彰德國朝屬廣平路領縣四曰滏陽邯鄲武安成安

滏陽縣漢為武安縣地魏置臨水縣屬廣平郡後周置

滏陽縣屬成安郡隋置磁州治于此唐宋金並因之本

朝為磁州倚郭屬縣原注按磁州滏陽縣惟金以之隸彰德元本屬廣平路蓋是書為記

遊覽古而作路徑傍繼滏陽歷記所見實未遍歷洛撰蘇柞略誤邢也故附見于彰德路云

黃華谷天平山彰德之西九十里曰林州即古林慮縣

也州西北二十里曰黃華谷谷多秋菊故名昔金翰林

學士熊岳王公庭筠子端嘗吳本誤皆隱居谷中號黃華山

主所居曰讀書巖公文章書法高出流輩字學米元章

墨竹類文湖州金章宗所謂昔人君子者也谷之西南諸峯峭拔奇秀林木陰翳仙宮佛廟金碧輝映巖崖泉石名號百什不可窮紀其迸珠簾桃花巖者不減天台赤城之勝其最知名者谷南之天平山猗谷寺也猗谷暮夜陰崖石壁間燦然作金光若燈火神幻不可致詰

吳本前賢多作歌詩以紀曰金燈集貽端按宋張商英有神燈記刊石

安陽縣北三十里臨漳縣南十五里鄴鎮之西曰蔡村有濁流奔迅翁本作崩俗謂之漳河也禹貢曰覃懷底績至于衡漳水經云濁漳之源出晉寧路貽端按此三字水經作上黨二字蓋

上黨在元屬晉寧路作者據其時地言之非水經原文長子縣西發鳩山東北流

過壺關屯留潞縣合衆山之水其流始大又東過武安縣有清漳水自涉縣東南來注之其水合流謂之交漳

口原注清漳源出上黨沾縣大鵬谷東北過磁州武安與濁漳合遂東過鄴縣西又東

過三戶津又東北過洺州曲周平恩二縣又東北過冀

州又東北過景州東光縣弓高鎮又東北過瀛州樂壽

縣景城鎮又東北過平舒縣而入于海云漳水自出山

至入海凡行一千六百八十里按史記魏文侯時使西

門豹為鄴令豹即發民鑿十二渠引漳水溉民田民皆

煩苦豹曰民可與樂成不可與慮始今雖患苦百歲後

期令父老子孫思我言民後果得其利至今鄴人祠祭

不絕又西漢書溝洫志文侯曾孫襄王嘗與羣吳本作郡誤臣

飲酒祝曰令吾臣皆如西門豹之為人臣也史起進曰

魏氏之行田也以百畝鄴獨二百畝是田吳本作肆誤惡也

漳水在旁豹不知用是不智也知而不興吳本作與誤是不

仁也仁智未盡豹何足法于是襄王使起為鄴令遂引

漳水溉田場吳本作揭誤水東注號天井堰三十吳本無此二字

據水經注補寰里中作十二燈十二吳本作一端左思魏都賦燈流

十二同源燈相去三百步使相翁本作工誤灌注一源吳本

皆作注據分十二流皆懸水門貽端按場水東注至此

事漢志中無此語鄴人名曰宴陂澤按漢志亦無此語惟水經

處名曰堰陵澤堰宴聲訛陵陂形訛又寰宇記引鄴城

故事云西門豹造十二渠今渠一名安澤陂恐亦轉寫

錯河內之民以致殷富民歌之曰鄴有賢令兮曰史公

決漳水兮灌鄴旁終古烏鹵吳本作園誤兮生稻梁今史漢

所載二說不同余疑當時豹嘗鑿渠而後湮廢至起紹

修故民歌之今併錄焉十二月早出彰德北門至蔡村

西行三十里陘處作土橋以渡時漳吳本作彰誤水退縮層

河朔訪古記 卷中 五 待學樓

冰峩峩逐流東下土人云春夏水漲至與岸平闊可數里號小黃河又曰水旁多石子俗傳可以暖腹又有紋石濱河之民取以為器貨之

安陽橋在安陽縣北五里橋下即洹水也洹水出上黨泫氏縣洹山山在長子縣東過隆慮縣北黃水注之又東北出山連逕殷墟東北過鄴城南謂之新河又東逕安陽故城東過內黃縣北入于白溝云春秋左氏傳言聲伯夢涉洹水杜預注曰洹水出汲郡林慮縣李宗諤以此說為然遂言洹水源出林慮西北平地湧出初甚

微細東流九十里至安陽縣界泉脉漸大又曲而東北

入大名府洹水縣界今按水經所言泫氏

本皆誤作洹氏上同今並

據水經注改

在澤州高平縣西並無洹水蓋縣邑遷改不常

故鄴元

此二字吳本誤作鄴尤

所記有異同耳余嘗觀許敬宗論

禹貢道沅水東流為濟入于河溢為滎

吳本誤滎

其說甚詳

蓋天下之水無有不發源于山其有自平地出者皆泆流再發也且濟水之源出王屋山之顛泆流至平地再出即今濟源縣濟瀆廟泉是也今李宗諤第見洹水初起林慮遂以水經所記為異殊不知林慮乃泆流再發

也呂忱字林許慎說文皆云洹水出晉魯之間

貽端按字林書

亡已久說文今本作洹水在齊魯間宋本亦然此所引本之酈注故不誤

又言林慮黃

吳本誤頁

水按水經注隆慮縣有黃華水此條兩言黃水皆無華字豈所據本有異耶

發源神困之山

谷東流至谷口潛入于地下東北十里復出于柳渚然

則洹水泆流至林慮再出蓋可信矣

蕩水出湯陰縣西石尙山

原注太平寰宇記作牟譏本山貽端按水經注是石尙山

東流經縣故城縣因水以取名又東北至內黃縣入于

黃澤唐貞觀元年改為湯陰

本俱訛水

以其水微温也

美水在美里北二里有橋曰美橋橋下即美水也水經

曰美水出湯陰縣西北四十里西山韓大牛泉東經美

城

吳本誤域

之北積水成淵方十餘步深一丈餘又東至內

黃縣與防

水經注下有水字

會又東歷黃澤而入蕩水云

宜師溝在湯陰縣西南三十五里宜師站又在縣西南

二十七里又有宜師橋在站側

鄴宮元帝禪晉晉常館帝于此光熙元年夏五月馬牧

帥汲桑叛敗魏郡太守馮嵩遂陷鄴城燒宮旬月煙燄

不滅

吳本誤滅

曹魏之殿閣

翁本作閣今通用閣

蓋于此時盡矣至石

勒將營鄴宮以廷尉續咸尙書令徐光切

吳本誤幼

諫而止

後因霖雨中山西北暴水漂巨木百餘萬株集于堂陽
勒大悅謂公卿曰諸君知此非爲災也天意欲吾營鄴
宮耳于是令都水使者張漸少府任汪等監營勒親授
規矩而建焉

鄴都南城在鎮東南三里半按魏孝文太和十八年自
雲中遷都洛陽經鄴宮留數日臨引軍發懸飯一瓢于
城門上而去尙書崔光語人曰掛飯者懸殮也後世元
孫必興于此矣至孝武永熙三年高歡逼帝西入關乃
立清河王亶之子善見于洛陽東北改元天平以十月

丙子車駕北遷

吳本作還

于鄴十一月庚寅至鄴居北城改

相州爲司州牧以魏郡林慮廣平陽邱汲郡黎陽東濮

貽端按魏書濮下有陽字

清河廣宗等爲皇畿于城東置臨漳縣城

西置鄴縣城東北置成

吳本誤城

安縣臨漳三百鄉鄴縣五

百鄉成安二百五十鄉二年八月發衆七萬八

翁本作六千

營新宮元象元年九月發畿內十萬人城鄴四十日罷

二吳本作一

年帝徙御新宮卽南城也又鄴中記云城東

西六里南北八里六十步高歡以北城窄隘故令僕射
高隆之更築此城掘得神龜大踰方丈其堵堞之狀咸

以龜象焉按北史吳本誤吏高隆之傳云隆之領營構大將

以十萬夫撤洛陽宮殿運于鄴構營吳本作宮誤據北史及翁本改之

制皆委隆之增築南城周二十五里以漳水近城乃起

長堤為防又鑿渠引漳水周流城郭以造水碾磴云

銅爵金鳳冰井三臺皆在臨漳縣鄴鎮東南二里古鄴

都北城西北隅因城為基三臺相距各六十步中為銅

爵臺南為金鳳臺北為冰井臺此蓋曹操于漢獻帝時

為冀州牧所築也鄴中記曰建安十五年銅雀臺成操

將諸子登樓使各為賦陳思王植援筆立就金鳳臺曹

公鄴中記無此二字初名金虎至石氏改今名冰井臺則凌室

也金虎冰井皆建安十八年建也魏鄴中記無此字銅爵臺高

一十丈有屋一百二十間周圍彌覆其上金虎臺有屋

百三十間冰井臺有冰室三與涼殿皆以閣道相通三

臺崇舉其高若山云至後吳本誤作後至趙石虎三臺更加崇

飾甚于魏初于銅爵臺上起五層樓閣去地三百七十

尺周圍殿屋一百二十房房中有女監女伎三臺相面

各有正殿上安御牀施蜀錦流蘇斗帳四角置金龍頭

銜五色流蘇又安金鈕屈戌屏風牀牀上細直女三十

人牀下立三十人凡此衆妓皆宴日所設又于銅爵臺穿二井作鐵梁地道以通井號曰命子窟于井中多置財寶飲食以悅蕃客曰聖井又作銅爵樓巔高一丈五尺舒翼若飛南則金鳳臺有屋一百九間置金鳳于臺巔故名北則冰井臺有屋一百四十間上有冰室室有數井井深十五丈藏冰及石墨石墨可書又燕之難盡又謂之石炭又有窖粟及鹽以備不虞今窖上石銘尙存焉三臺皆磚甃相去各六十步上作閣道如浮橋連以金屈戌畫以雲氣龍虎之勢施則三臺相通廢則中

央懸絕也又按北史齊文宣天保二年發丁匠三十萬

人營三臺于鄴因其舊基而高博之構木高三翁本二十

七丈兩棟相距二十翁本餘尺工匠危怯皆繫繩自防

文宣登棟脊疾走了無怖畏時復雅舞折旋中節觀者

莫不寒心又召死囚以席爲翅從上飛下不死免其罪

戮臺成改銅爵曰金鳳金虎曰聖井貽端按北史齊書皆作應冰井

曰崇光云至後建德七年三臺遂廢及大象二年吳本

隋大業三年翁本作大象二年上亦誤衍隋字按周書宣帝崩隋文帝輔政徵兵討迴實在周大象二年今據

翁本改韋孝寬討尉遲迴遂焚毀蕩徹了翁本然空虛

刪隋字待學樓

矣十二月余過鄴鎮登三臺眺望見其殘邱斷隴而問諸山僧野老猶能于荒煙野草中指故都西陵之遺跡相與悲慨且言銅爵臺今周回翁本作圍下同止一百六十餘步高五丈上建永寧寺金鳳臺周回一百四翁本三十餘步高三丈上建洞霄道宮冰井臺則北臨漳水周回止一百餘步高三丈為漳水衝嚙一角已崩缺矣余聞世傳鄴城古瓦研皆曰銅爵臺瓦磚研皆曰冰井臺磚蓋得其名而未審其實夫魏之宮闕焚蕩于汲桑之亂及趙燕魏齊代興代毀室屋尙且改易無常况易壞之瓦

礫其存于今者亦幾希矣按鄴中記曰北齊起鄴南城

其瓦皆以胡桃油油之油即祖珽本皆誤作珽所作也蓋欲

其光明映日歷風雨久而不生蘚耳有筒瓦者其用在

覆故油其背有版瓦者其用在仰故油其面筒瓦之長

可二尺濶可一尺版瓦長亦如之但濶倍耳今其真者

皆當翁本無此二字其油處必有細紋俗謂之琴紋有白花謂

之錫花相傳當時以黃丹鉛錫和泥積歲久故錫花乃

見然亦未言其信否也古磚大方可四尺其上有盤花

鳥獸之紋又有千秋及萬歲之字其紀年非天保吳本作寶

誤卽興和蓋東魏北齊之年號也又有筒瓦

翁本作筒
甄貽端按

崔後渠彰德府志作磚筒

者其花紋年號與磚無異蓋當時或用以

承簷溜故其內圓外方有若筒然亦可製而為研然則

世翁本有

傳有古鄴

吳本有

研多北齊之物耳鄴人有

言曰曹魏銅爵臺瓦其體質細潤而其堅如石用以為

研不費筆而發墨此乃古所重者而今絕無蓋魏之去

今千有餘年若其瓦礫皆磨滅為塵

吳本
誤塵

矣且齊之磚

瓦至今亦五六百年村民培土求之往往聚眾數百人

而踰年不得一二全者則鄴人所謂銅爵冰井者蓋特

取其名以炫遠方其不知者從而信之今鄴人偽造彌

眾惟嘗識者知其不如古耳故荆國王文公有詩曰吹

盡西陵歌舞塵當年屋瓦始稱珍甄陶往往成今手尙

託

吳本作記誤據翁
本及臨川集改

虛名動世人蓋當時亦有此嘆也

夫古之真瓦不期于為研今之偽瓦止期于為研其甄

陶固精于古然其質終燥其用不久者火力勝故也雖

和以黃丹鉛錫烏能作潤哉惟古之磚瓦散沒土中千

餘載感霜露風雨之潤火力既盡復受水氣此其所以

含蓄潤性而滋水發墨也

華林苑在臨漳縣鄴城東二里苑後卽南鄴城之西也
按石虎時有沙門吳進言趙運將衰晉當復興宜役晉
人以壓其氣虎于是使尙書張羣發近郡男女十六萬
車萬乘運土築華林苑周回數十里及築長牆數十里
趙攬等上疏切諫虎大怒曰牆朝成夕壞吾無恨矣乃
從張羣以燭夜作起三觀四門通漳水皆設鐵扉暴風
大雨死者數萬人又鑿北城引水于華林園城崩壓死
百餘人虎于苑中植人間名果作蝦蟆車箱闊一丈深
一丈合土載花木所植無不榮茂至高齊武成間增飾

華林苑若神仙所居改曰仙都苑苑中封土爲嶽皆隔
水相望分流爲四瀆因爲四海匯爲大池曰大海海中
置龍舟六艘其行舟處可廿五里又爲殿十二間于海
中五嶽各有樓觀堂殿四海中亦有宮殿洲浦其最知
名者則北岳之飛鸞殿北海之密作堂也飛鸞殿十六
間以青石爲基珉石爲礎鐫刻蓮花內垂五色珠簾緣
以麒麟錦楹柱皆金龍盤繞以七寶飾之柱上懸鏡又
用孔雀翡翠山雞白鷺毛當鏡作七寶金鳳高一尺七
寸口銜金鈴光彩奪目人不能久視也密作堂周回皆

四架以大船浮之以水為激輪堂為三層下層刻木人
 七彈箏琵琶箏篪胡鼓銅鈸拍板弄盤等衣以錦繡進
 退俯仰莫不中節中層刻木僧七人一僧執吳本作香
 奩立東南角一僧執香爐立東北角五僧左轉行道至
 香奩所以手拈香至香爐所其僧授香爐于行道僧僧
 以香置爐中遂至佛前作禮禮畢整衣而行周而復始
 與人無異上層作佛堂旁列菩薩衛士帳上作飛仙右
 轉又刻紫雲左轉往來交錯終日不絕皆黃門侍郎博
 陵崔士順所製貽端按鄴中記載石虎作木人奇巧機
禮佛與此畧同以為解飛所造

妙自古罕有其苑中樓觀山池臺殿自周平齊之後皆
 廢毀矣今其基址翁本作詢之故老猶能記其萬一余以
 記載可考者錄敘如右

彰德路總管府治後花園曰康樂園昔宋至和中韓魏
 公以武康之節歸典鄉郡因闢牙城作甲仗庫以備不
 虞遂大修亭池名曰康樂園取斯民共樂康時之義故
 云魏公自為記書而刻諸畫錦堂上園中舊有七堂曰
 畫錦燕申自公榮歸忘機大悲涼堂又有八亭曰御書
 紅芳求已迎和吳本作狎鷗觀魚曲水廣春又有休逸

飛仙二亭故老相傳黃堂廳事肇啟建于節度韓重贊
宋太宗歸自河東視其廳曰朕之所居亦不過也上欲
留宿重贊奏曰臣以一方之力積歲成此今陛下居一
夕卽虛之矣不免勞民重建乞賜守臣豈勝榮幸上乃
命設幄宿于廳下而去至魏公大加完飾郡驛園亭雄
壯華麗甲于河朔又傳休逸臺吳本作堂誤下同貽端
按安陽集有休逸臺詩
可證魏公取鄴城冰井臺四鐵梁爲柱初鐵梁棄鄴臺歲
久光瑩無蘚剝人以爲神物訶護不敢動及以爲臺柱
羣疑始定今園亭廢毀皆不可考惟飛仙臺基在府治

敬功堂後今構觀音堂其上臺北十餘步踰小巷後園
有休逸臺基面山亭基金節度完顏熙載作養素樓其
上今廢其碑尙存其餘則不可知矣晝錦堂記碑今移
至魏公祠堂云公有康樂園詩曰名園初闢至和中思
與康時衆吳本作共誤據翁
本及安陽集改樂同一紀年光雖易老萬

家春色且無窮歸來敢銜吾鄉勝到此須知舊鄴雄本
皆
誤作榮據
安陽集改病守縱疲猶強葺欲隨民適醉東風十二月

余至彰德府治後因游康樂園今皆菜畦麥隴可考者
惟休逸臺荒基餘皆吳本誤衍
一首字不復辨矣

彰德路城中富財坊南街西第二巷間門扁曰胡公里

故胡按察私第在焉公諱祇通字紹開吳本作開誤據元史及翁本改

武安人也祖父俱第進士公北度居相州翁本作下六十年

既卒監郡伊爾布哈翁本作也中順尊慕吳本德望即

所居立故胡公里

緱山書院彰德路城南門大街道左高綽門榜曰杜文

獻公緱山書院公吳本脫此公字諱瑛本皆誤英文字

玉信安人也避亂居雒陽謀隱緱山故以此自號云甲

辰間尼瑪哈翁本載原注舊行省徵至彰德辟為諫議

作粘合今改正

官不就遂隱居教授日與王鹿菴劉神川倡和為樂中

統元年世祖聞其賢命為大名等路提舉學校官年七

十卒葬安陽縣西十里王裕村今其孫秉燹字德常以

鄉吳本貢進士積官中書左司郎中請建書院因贈資

德大夫翰林學士魏郡公諡文獻設緱山書院列于學

官云

雀城湯陰縣東北三十五里有城周回二百步高二丈

土人呼為雀城世傳文王厄于羑里武王築此城以望

之有赤雀見因名云

涼馬臺湯陰縣北十二里有臺高三十尺周回五百步

曰涼馬臺按鄴中記曰後趙石虎所築建武六年虎都

鄴洗馬于洹水築此臺以涼馬故以名云

觀音禪院自注八角井附彰德路城中豐安坊有寺曰觀音禪

院唐天祐吳本誤禧二年所建寺有八角井父老相傳井中

嘗有雲氣如虹衆謂有寶探之其深不可測郡人周邯

得崑崙奴善入水吳本日水精使之入井底良久出曰

一黃龍抱數顆明月吳作月明大珠熟睡水精驚亦病死初

州城在井北避洹水泛溢南徙乃包此井于城中云

隋龍興寺碑在彰德路北關外古寺坊東龍興寺寺前

豐碑一通是為隋龍興寺范陽張庭珪八分書其文則

相州刺史越王貞本皆脫貞字今補撰蓋所謂信行禪師傳法

碑也貽端按金石錄信行禪師碑隋唐多有之惟偽周碑越王貞撰張廷珪八分書則此寺前碑也

陶唐廟在安陽縣西北六十里乞伏村廟有金應奉翰

林文字同知制誥趙秉文所撰碑一通并書篆額後銘

曰鬼神睢盱伏羲受圖人文權輿彝倫既敘五教吳本誤穀

既敷唐文煥乎披昏抉本皆誤挾塗藥民之愚有典有

謨位非我娛萬民其孥丹朱為本皆作其疏陸水其都

人蟲

本皆誤盡據石刻改

其居吁嗟都俞恩

吳本誤思

漸于膚今其已

夫祀

本皆誤祝據石刻改

焉忽諸遺

本皆誤遣據石刻改

祠路隅田婦耕夫

或祝或巫白馬形

吳本作同誤

車清風肅如神來有無清漳

之墟歲熟一

本皆誤萬據石刻改

區神游藐孤

吳本誤作貌姑據翁本及石刻改

明昌有道千載同符擊壤康衢走不知乎今之

本皆脫此字據

補

石刻世陶唐氏之民歟

貽端按碑銘溢水集未載

湯聖王廟在安陽縣西北五十里廟有少中大夫山東

東西道提刑

吳本脫此二字

按察使胡祇適所撰碑

美里城文王廟美城在湯陰縣北六里道左朱綽門門

勝題曰美里城周文王之廟其城周回二百五十步高

二丈餘門勝則正議大夫河南江北道肅政廉訪使康

里回回所書也廟有一碑則太常博士借注戶部員外

郎兼應奉

應字吳本脫奉字又誤作發

翰林文字胡祇適記大元至

元六年夏十有二日建廟壁龕翰林承旨永年王磐五

言古詩石刻一通按史記音義美里蓋獄名也夏日均

臺商曰美里周曰囹圄皆員

翁本改作圖

土也又按史記崇

侯虎譖西伯于商紂紂囚之美里西伯迺演周

翁本無此字

易作六十四卦其臣闕天太顛之徒求有莘氏美女驪

戎之文馬九駟及他奇怪因商嬖臣費仲獻之紂紂大
悅乃赦西伯賜之弓矢鈇鉞使得征伐又曰紂囚文王
將殺之或曰西伯聖人也不可殺紂曰吾聞聖人有靈
德吾將驗焉乃殺伯邑考醢之以食文王文王食之已
而嘔于羑里之門外于是衆信文王爲聖人因以土封
其嘔吳本誤區翁處謂之嘔子豕其豕今尙存土人訛
爲狗子豕云王承旨鹿菴廟壁所刻詩曰羑水淺且清
羑里餘荒城文王德如日曾此夷其明陝樹憇召伯箕
山栖許生後人起敬愛木石含芳榮嗟爾一抔土耕犁

未全平千秋翁本作春不磨洗永被囚聖名我行蕩陰道過

之爲停征念昔有殷季虐主方狂醒銛吳本誤銛鋒戮賢聖

翁本作若刈寸草莖左啖鄂侯脯右啜鬼侯羹茲時無

羑里何以紓淫刑羑里深杳杳羑城高亭亭君王在縲

繼不異南面聽翁本作廳淑氣發神慮淳和助心靈演開伏

羲畫剖出天地精一時雖冥昧萬古垂日星若無羑里

拘易經何由成易經在所重羑里那可輕康里公字子

淵積官至遼陽平章布呼密翁本作不忽木文貞王之子翰林

承旨庫庫翁本作夔夔之兄父子皆國之名臣也

西門豹祠漳水之上有祠門扁曰西門大夫之廟按魏
 文侯使西門豹為鄴令至鄴會長老問民疾苦對曰苦
 為河伯娶婦豹問其故曰鄴俗祀河伯巫視民女好者
 云當為河伯婦即聘取治齋宮河上令女齋戒十日乃
 洗浴翁本作沐粉飾如嫁狀令坐牀上浮河中行十餘里女
 乃溺俗傳否則漂沒其民人久以為然故三老廷掾歲
 歛民錢數百萬止用二三十萬與巫祝共分餘錢持歸
 故民有好女者皆遠逃去鄴民困貧其所由來久矣豹
 曰至為河伯娶婦願幸相告吾亦往送女眾曰諾至其

時豹往會其巫嫗年七十餘從弟子女十人皆單繒為
 衣立大巫後豹呼婦視其妍醜巫引女出帷豹曰是女
 醜不足為河伯婦煩大巫嫗入報河伯更求好女它日
 送之即使吏卒抱巫嫗投河中有頃曰何久也弟子當

趣吳本作趨之乃投一弟子河中有頃曰何久也何久也翁本作亦何

久復投一巫凡投三弟子豹曰巫皆女子不能白事煩

三老入白之復投三老河中豹簪筆磬折向河立待顧

曰巫嫗三老不來柰何當使廷掾豪吳本無此字據史記及翁本補長

者一人趣吳本作趨之皆叩頭流血豹曰河伯豈常留客哉

于是衆誓不敢爲河伯娶婦皆罷歸矣淫祀遂絕豹又
 鑿漳水溉田五百餘頃民甚德之因建祠云廟有宋修
 祠碑一通翁本作道誤則錢塘楊蒙所撰其略曰元祐八年
 癸酉余奉檄策委定武將亂衡漳遲舟于客館父老集
 琴堂下曰此地之東有祠云西門大夫雖時祭不乏而
 廟制湫陋邑大夫君行農而謁焉愴然虔矚迺鳩工修
 祠云其後辭曰漳水可涸兮君之澤方洋洋西山可頽
 兮君之名方巍巍新厥宇兮神安斯琢諸石兮來者師
 十二月至祠下拜謁讀碑而退史云廟東北曰永吳本作水

誤樂浦浦西五里俗謂之祭陌河翁本脫此字卽西門豹投

巫之所也原注按晏殊類要祭陌河作紫陌河貽端棧

西五里俗謂紫陌河卽俗巫爲河伯娶婦處水經注云

淫祀雖斷地留祭陌之稱又慕容儁投石虎尸處也田

融以爲紫陌則此二名並傳已久

扁鵲廟吳本碑在湯翁本改陰縣東南二十里伏道村

村之道左一碑題曰神應王扁鵲之墓其廟併在墓側

廟有二碑一碑教授張仲文撰一碑大中大夫江南瀾

西道提刑按察使武安胡祇通撰墓旁生艾治疾爲天

下第一今每歲充貢云伏道者昔商紂知獄繁民怨乃

置防城以兵防羨里之囚又伏兵于道左故云廟壁有
左司劉昂題詩一首曰昔爲舍長時方技未可錄一遇
長桑君古今皆嘆服天地爲至仁旣死不能復吳本先
生妙藥石起甦效何速日月爲至明覆盆不能燭先生
具吳本正眼毫釐窺肺腹誰知造物者禍福相倚伏平
生活人手反受庸醫辱千年廟前水猶學上池綠吳本
再拜乞一杯洗我胸中俗宋仁宗景祐元年九月詔封
扁鵲爲神應侯因上疾愈從醫翁本有許希有之請今
曰神應王未知何代所封也

尉遲公廟碑彰德路城中晝錦坊後周太師蜀國公尉
遲迴之廟在焉迴爲周將征伐有功初滅北齊以迴爲
相州總管至隋文帝以計徵迴欲圖之迴乃率諸州舉
兵數十萬及安陽縣志爲楊素韋孝寬高潁等師所敗

遂上樓自殺至唐開元中州多怪厲刺史至輒死吏民
疑懼于是刺史張嘉祐以迴死國難忠臣也爲立祠以
祀之後刺史吳克翁本復加以冕服初嘉祐之建祠也

顏真卿爲記其事蔡有鄰書之碑陰紀迴靈異之事言
雨暘隨禱輒應回風驅蝗伏翁本境內無害每至秋夜

有雙鶴下集廟庭郡人至今稱以為異云唐張嘉祐本

謾貞據安陽縣志改宋璟皆刺相州有惠政今並配食廟庭魯公

所撰碑略曰有周上柱國蜀國公河南尉遲迴字居羅

原注按周書作薄居羅代人也因部立家遂雄荒服父俟兜原本作兒

注按周書作俟兜今據改尙魏太祖姊昌樂公主贈太

傅迴仕魏為散騎侍郎歷大丞相帳內都督尙金明公

主進爵車騎將軍領侍中尙書左僕射伐侯景有功詔

兼梁益按梁益石刻作益等十八州事周之興也進蜀

國公邑萬戶總秦衛文康十四州事大司馬冊太師加

上柱國授相州總管宣皇晏駕京師將徵公公以隋公

當權辭不受代公子魏安公沁東之敗也公綠巾尙整

原注按周書迴別統萬人皆綠巾錦祆號曰黃龍兵猶背城請戰黃龍既吳本作已潰

則登樓自裁又云公凡事二代易九朝忠不辱隋節能

奉上唐武德中改葬表墓開元丁丑乃建廟云開元二

十六年二月二十一日華州鄭縣尉閻伯璵敘秘書省

校書郎顏真卿銘蔡有鄰書貽端按碑銘魯公集中未載

彰德城中嘉惠曲畫錦坊故宋丞相魏國忠獻韓公琦

之廟在焉重門修廡中為大殿殿肖公像袞冕龍榻侍

從之臣相向拱立儼然廟堂氣象蓋公熙寧初力辭上

宰再典鄉邦未半吳本誤平翁本上脫未字歲河北地震水災命公

安撫四郡移鎮大名相人思之即公畫錦坊故第吳本誤篆

築生祠以祠公廟昔有宋中書舍人王靚所撰碑兵毀

不存國朝重建廟碑一通晉州判官高書訓所撰高公

太原人官至國子博士故尚書高鳴雄飛子也庭西畫

錦堂記碑一通至元間再摹而刻宋參知政事歐陽修

撰翰林學士蔡襄書龍圖學士邵必大篆世稱為四絕

碑云府學之西亦有公祠堂宋鄂州嘉魚令邱鄜為撰

廟記其碑今置府學儀門下安陽縣治之南護國顯應

廟西隅亦有公廟蓋宋勅建者郡人稱為雙廟也至若

大名府之廟碑則丞相溫國文正公司馬光撰磁州之

廟碑則知真州吳本作定誤楊翁本作揚子縣事徐薦撰其陝西

之秦州河東之太原淮南之揚州河北之真定翁本作州誤

暨中山府皆有公廟大河南北凡公所至今皆祀之不

絕也畫錦新廟殿壁龕公書畫錦堂詩石刻一道詩曰

重向高堂舉宴杯四年牽強北門迴故園風物都如舊

多病襟懷遂一開白髮恥夸金絡騎綠陰欣滿石梁臺

因思前彥榮歸者未有三會畫錦來西廡則有郡人緜

山杜瑛吳本作英誤今改正見前所題詩扁詩曰輪囷日下五雲飛

此是先生唱第時龍上青天蛇有力鼠潛舊穴馬空肥

縱橫邊議三千牘照耀身名六一碑壞壁百年遺像在

郡人爭看錦為衣按公薨于相之府治英宗震悼命陪

葬山陵其家懇辭乃命入內都知張茂則勅葬公于安

陽縣西北三十里豐安鄉天子御製碑文題曰兩朝顧

命定策元勳之碑命龍圖閣學士宋敏求即墳所書冊

賜守墳寺曰傳吳本誤傳孝報先之寺云十二月余偕下翁本

作人退誤郊人李亨至祠下謁拜讀庭下二碑及讀詩扁而

安陽縣西北五里四十步洹水南岸河亶甲城有塚一

區世傳河亶甲所葬之所也父老云宋元豐二年夏霖

雨安陽河漲水齧塚破野人探其中得古銅器質文完

好略不少蝕眾恐觸官法不敢全貨于市因擊破翁本作碎

以鬻之復翁本作後塞其塚以滅跡自是銅器不復出矣

黃堆塚在河亶甲塚吳本脫此字西南世傳乃河亶甲后之

塚也

魏武高平陵在鄴鎮西南三十里周回翁本二百七十

步高一丈六尺十二月余登銅爵臺西望荒郊翁本煙

樹永寧寺僧指示余曰此曹公之西陵也

曹操疑塚在滏陽縣南二十里曰講武城壁壘猶在又

有高臺一所曰將臺城外高邱七十二所參錯布置纍

翁本然相望世云曹操疑塚初操之葬以惑後人不致

發掘故也塚間有曹公廟殿屋甚華麗廟北一高邱之

前鉅碑一通螭首龜趺齊忠翁本王之碑姜一芝所撰

云西望西陵不翁本作十餘里煙樹歷歷可見十二月

六疑誤

余按轡其間自午抵暮縱橫出八墓翁本中不知所向
噫何其用心之詐也使操能見武侯八陣圖則有愧多
矣

朝陽陵在臨漳縣鄴鎮東北九里卽魏文帝文昭皇后

朝陽陵也按魏略甄后中山無極人初嫁袁紹子熙及

魏武吳本作帝破鄴文帝時為太子因納為夫人生明

帝為郭后所譖賜死後文帝以翁本有郭后無子詔為

養子明帝以母不以道終意甚不平嘗從文帝獵見子

母吳本誤鹿文帝射殺鹿母遂翁本使射其子帝曰陛

下同

下已殺其母臣不忍復殺其子因涕泣文帝收弓矢大

奇之而建儲之意遂定及帝即位追謚曰文昭皇后太

和四年使太常卿甄霞貽端按魏志云使甄像兼太尉持節改葬此云太常卿甄霞與

魏志持節改葬于朝陽陵今陵旁一塚父老曰李夫人

塚后與夫人甚相善吳本作喜誤故得耐葬焉

安陽縣東四十里永和鎮城西二百步漢樂巴廟在焉

范蔚宗漢書樂巴魏郡內黃人也好道而性質直順帝

世累遷為太守後為尚書以上書極諫起憲陵侵毀小

民墳塚下獄禁錮還家及陳蕃竇武輔政召拜議郎蕃

武被誅巴復上書極理其冤帝怒下詔切責吳本作功曹誤據范

史及翁本改收付廷尉巴自殺遂歸葬而邑人于此立廟云

墓在鎮東南二十六里周回一百步高二丈云

晉嵇侍中廟墓湯陰縣西南一百二十步曰浣衣里道

左小碣題曰晉忠臣嵇紹之墓墓周回二百步高二丈

餘廟在墓側有宋碑一通乃淮南節度使司徒兼侍中

判大名府兼北京留守司事大名府路安撫使魏國公

韓琦記并書熙寧三年八月十五日縣令張琳本皆誤琳據石

刻改下同立石其碑曰夫以忠事君人臣之常分也然遭大

變臨大節或心無所主爲禍福所動以苟一時之生而
貽萬世之戮者多矣若其鼎鑊在前鋒刃加已能挺然
知義之所在分固當爾輕其命若鴻毛然卒死而不顧
者幾何人哉惟晉侍中贈太尉忠穆嵇公則其人也方
惠帝昏弱諸王肆亂各萌僭奪以相屠害故帝之北征
也公馳赴行在力當國難而成都王穎以兵犯乘輿衛
從奔散獨公端冕侍側以身扞帝至血濺御衣而殞嗚
呼公之知義明分可謂石刻有處字得其死石刻有而字不爲難
也故其大忠偉節赫然與日月爭光崧然與山嶽爭高

天地

石刻有知字

不可窮而公

石刻有之字

名亦不可窮矣宜乎

百世之下有國家者欽遺風想餘烈置祠奉祀永永

吳本

誤遠石刻下有而字

不絕也相之湯陰即公死難之地

吳本其廟

在焉前之爲邑者不知追顯忠義爲政所先因循不葺

底于大壞今令張君

吳本誤若

楙至則首拜祠下觀其隳敝

之甚驚而嘆曰茲不職之大者也亟舉公事跡與夫朝

廷崇祀之意諭于邑民民皆欣然願共力以完之令乃

寬與之約聽其

石刻自作自

營辦不數月而祠宇一新于是民

益知夫大賢

吳本誤作賢人

之忠于國者雖死于不幸後世必

載祀典嚴廟貌奉事尊仰之如此皆思勉而為善自一
邑而推一郡繇一郡吳本繇誤縣而推諸四方則其為
勸也豈小補哉廟完具吳本誤其書來告以余嘗兩守鄉邦
願志本末噫忠義之心人皆有之但勉而不力執之不
固遂不至于古人余亦勉而執之者跂忠穆之風尤寤
寐以自激文雖甚陋惡敢吝而不書又晉書載公死難
血濺御衣事平左右欲澣所翁本作帝衣帝曰此嵇侍中血
勿去詔葬縣南賜曰澣衣里仍立廟焉廟有國朝翰林
承旨鹿庵王磐律詩一首曰十載家艱恨未消又持手

版事昏

吳本誤皆

朝已知定亂功難就猶幸臨危節可要忠

血數斑霑藻火英名千古迫雲霄一盃欲醉祠前土野

鶴昂藏未易招磐字文炳廣平人亡金進士入國朝累

官至承旨致仕居東平年九十二歲卒謚曰文忠十二

月早至湯陰南門拜謁廟墓讀碑而去余嘗讀趙文敏

公松雪齋文集有紀夢嵇侍中曰延祐元年十一月十

九日彰德朱長孺

吳本作儒誤

道其邦人之意求

吳本誤來

書晉

嵇侍中之廟六字余每敬其忠節不辭而書之運筆如
飛若有神助是夜京口石民瞻館于書室中夢一丈夫

晉人衣冠蓬首元

吳本作充

衣流血被面謂民瞻曰我嵇侍

中也今日趙子昂爲余書廟額故來謝之民瞻旣覺猶汗流亦異事也翰林學士承旨榮祿大夫知制誥兼修國史吳興趙孟頫志

臨漳縣南鄴鎮西北五里紫陌側晉高僧佛圖澄墓在

焉澄天竺人俗姓帛氏永嘉年來洛陽雖未嘗讀儒家

吳本誤作冢

書與一時學士辨論無能屈者澄身長八尺腹

旁一竅常以絮塞夜欲讀書則拔其絮竅中光出照于一室又常至水際引腸滌之還內腹中善誦神咒役鬼

神以麻油雜燕支塗掌上則洞見千里外事令齋戒者

皆得見之又能聽鈴音以言吉凶無不驗石勒兵屯葛

陂大殺沙門澄匿勒大

吳本將誤火

按晉書有軍字

郭黑略家黑略

言于勒召試道術取鉢水咒之生青蓮花勒由是信之

勒之獲段末波擒劉曜皆先驗澄之鈴音也至石虎傾

心敬事使衣綾錦乘雕輿太子常侍皆舉舉扶翼升殿

主者唱大和尚羣臣皆起以彰其尊後虎大饗太武殿

澄吟曰殿乎殿乎棘子成林壞人衣乎虎發殿石視之

果有棘生焉澄意本在冉

吳本作再誤

閔小字棘奴也澄還

寺獨語曰得三年乎自答不得又曰得二年一年百日

一月乎自答不得遂不復言謂弟子翁本誤曰戊申晉書

本傳禍亂漸萌已酉石氏當滅吾及其未亂先化去矣

遣人與虎辭虎詣寺見澄澄曰出生入死道之常也修

短分定非所能延今意未盡者以國家心存佛心翁本作理

崇顯寺廟宜享休祉奈何布政猛烈終無福祉若降心

易慮惠此下民則國祚延長道俗慶賴歿無恨矣虎知

必逝悲慟嗚咽即命于漳水西紫陌鑿壙營壽藏十二

月八日澄卒于鄴宮寺是歲晉永和四年也後有沙門

雍州來稱見澄西入關虎發壙視之惟一石虎惡之曰

石者朕也葬我而去吾將死矣明年虎果死

湯陰縣北十里有古壘南北斜長五里父老云唐九節

度師營壘也壘東北有萬人塚即九節度潰兵之遺骸

乃節度使薛嵩掩骨作此大塚命幕府御史陸長源撰

記刻碑立塚上云

安陽縣西北五十里永翁本作水治村魏國韓諫議墓在焉

諫議丞相忠獻公父也神道之碑則樞密使富弼撰翰

林承旨貽端按石刻王珪書碑首題曰宋故太吳本作大中

可月坊古記 卷中 三 待學樓

大夫行右諫議大夫南陽郡石刻開國男贈開府儀同

三司太師中書令兼尚書令魏國公韓公神道碑銘其

碑略曰公諱國華字光弼太宗初中按石刻初下缺二字下有平字則此

中字下當是興國二年甲科授大理評事通判瀘州遷

右贊善大夫改彰德節度判官盡抉姦隱諸豪不敢犯

升秘書省著作郎監上蔡稅以監察御史召望高臺閣

屬天子議復燕薊揣廷臣勇而善辭令者諭高麗西攻

契丹以分其力既日非韓某不可即假以太常少卿為

使公馳舸至其國其王負固不受命公諭以禍福王大

恐遣大將領兵數萬渡沮江以侵契丹公復命天子大

喜拜右本皆誤左拾遺直史館賜五品章服兼判登聞

鼓院入三司為開圻本皆作封蓋因下文開封判官而誤按開圻司主出納三部文籍今

據石推官遷左司諫充鹽鐵判官久之契丹大將蕭寧

使叩雄州約和吳本作戰下有知字當是和字之譌州

將劉州下本皆脫將字又劉福信之以聞天子因思高

麗功立命公走雄州按其事亦令代福作報書索其情

偽寧之意欲我先發公固願息兵養民念國體不可屈

書乃謝使者急令備邊還奏天子又大喜厯判鹽鐵度

支戶部三勾

吳本作司
誤下同

院有密讒于帝者帝雅信公詔

總判三勾賜三品章服公益奮

翁本
誤舊

條三司不便事二

十七上之官民借利遂著為法俄

吳本衍
而字

出為京東轉

運副使即拜峽路轉運使真宗即位入判大理寺秩凡

五遷為職方郎中出知河陽徙潞州契丹入掠河朔公

以精騎屯吳兒

翁本吳作胡吳本兒
作二俱誤據石刻改

谷契丹不敢犯境

帝嘉之褒以璽書契丹再至澶淵首命公假秘書監為

國信使江南飢又遣巡撫一道還朝權開封府判官出

知曹州徙泉州天子封太山擢諫議大夫召歸道病卒

于建陽驛泉人聞之傾一州來會哭朝廷舉卹典賜一

子官公六子球德清尉瑄

本皆誤瑛
據石刻改

將作簿琚兩浙轉

運琬河陽參軍璩秘書著作郎不幸繼亡琦相仁宗皇

帝被遺

吳本誤遇翁本誤遣按石刻作遺下有制立
二字今天子下無立字此其錄文略而有誤今

天子立為門下侍郎兼兵部尚書同中書門下平章事

昭文館大學士衛

本皆誤作魏
據石刻改

國公望重

石刻
作臨

天下勛

冠列辟以公積德儲慶所宜享厚報然恨公早世不克

待其發而發于丞相丞相以似以繼其傳之者又

吳本
誤其

可涯邪銘曰士孰不官公官獨難使臨東夷跨海渺漫

指麾吳本作揮出師勢分狄患王始倔強恃遠且艱視詔抹

吳本作揀誤刺不奉其石刻虞公怒移書以訶石刻以調諭

以禍福日星吳本誤月之觀王雖島酋吳本誤首聞義惕然發兵

饋糧革吳本誤草頑易慳石刻作慳對盧耨陸三字吳本誤作盧

陸誤陸據伏命館門能俾遠夷吳本誤人舉國奔職不憚已

勞不畏隣隙又俾強虜吳本誤敵下斂其毒螫二邦由

公一舉斯得繼走朔陲議收戈吳本誤弋戮坐策立判虜姦

不施不為其欺吳本疑誤國不挫威兩使外禦天子再怡

出知四州此句石刻作益之眾美大用是宜而卒不用讒人之為

復不承年道卒不歸遐邇奔赴此二句石刻作道卒遐裔一句與考同

之石刻下有勤位不都躬萃于幼嗣曰將曰相勲德名

世本支吳本志俱誤據石刻改源流公得何異何以畀之天

相其類天實使然人亦靡然書之冥然其昭昭然

劉神川先生墓安陽縣南門翁本作關焦道菴士劉神川先

生藁殯之所也先生名祁字京叔渾吳本誤潭源翁本有人

金狀元南山翁撫之曾孫正大間監察御史從益字雲

卿之子先生與弟郁字文季皆以文章德行馳譽大河

南北後寓輝州甲辰尼瑪哈翁本作粘合中書招置幕下年

河朔訪古記 卷中 待學樓

四十七卒有神川吳本作州誤遯士集行世又著歸潛志以

紀金末喪亂之事與太原元裕之壬辰雜編關西楊奐

貽端按楊名奐字煥然此稱字當作煥然天興近鑑東明王百一汝南遺

事微有異同今修三史金國之事益多取其語云

河朔訪古記卷下

元納新撰

六安晁貽端校刊



河南郡部

河南郡部河南府路禹貢豫州之域周武王定鼎于郊

鄩則今王城也成王卜澗水東灋水西卽今府城也秦

置三川郡謂大河伊洛三川也項羽以翁本作立瑕邱申陽

爲河南至漢爲河南郡光武都洛陽魏置司州襲都于

此西晉亦都洛宋孝武自此遷都長安東魏改洛州周

大象間爲東京置洛陽郡隋爲洛州大業間遷都于此

改曰豫州尋為河南郡唐復為洛州號曰東都五代梁

改西京宋為西京河南府金改曰金昌府全勝軍國朝

改曰河南府路領州一曰陝州陝州統縣四曰洛陽曰

偃師曰登封曰鞏原注謹按元史地理志當作領州一

孟津新安偃師州曰陝州陝州

洛陽縣周之下都是為成周邑翁本作也漢為河南郡治曰

平陰縣東漢改洛陽縣晉曰金墉城貽端按太平寰宇

帝所唐曰來庭縣神龍初仍改洛陽宋金因之國朝為

河南府路附郭縣

白馬寺洛陽城西雍門外白馬寺即漢之鴻臚寺也永

平十四年摩騰三藏法師以白馬馱經至此因建寺以

白馬名焉吳本名下無焉字鴻臚寺漢為掌四譯翁本作外夷客官

署三藏以西域僧故得館于此自古惟官府有寺佛廟

得名蓋踵鴻臚之名始于白馬也寺有鬪聖堂一翁本作二

所世傳三藏與褚善信讐校經義之所又有三藏贊碑

一通撰文書篆皆吳本誤晉宋真宗吳本誤宋御製也又有翰林

學士蘇易簡所撰碑一通備載寺之興廢始末甚詳至

欽宗靖康時毀于金人兵火逮國朝至元七年世祖皇

帝從帝師帕

吳本誤怕

克巴

翁本作八思巴賚端按元史釋老傳作帕克斯巴

之請

大為興建門廡堂殿樓閣臺觀鬱然天

吳本作大

人之居矣

庭中一鉅碑龜趺螭首高四丈餘碑首刻曰大元重修

釋源大白馬寺賜田功德之碑榮祿大夫翰林承旨閣

復奉敕撰碑曰聖上大德改元之四年冬十月釋源大

白馬寺告成詔以護國仁王寺水陸田在懷孟六縣者

千六百頃充此恒產永為皇家子孫祈福之地仍命翰

林詞臣書其事于石臣復謹按清慧真覺大師文才所

具事蹟漢永平中摩騰竺法蘭以白馬馱經至于西雍

翁本初假館于鴻臚後即東都雍門外建白馬寺為譯

經之所嗣後沙門踵至若康僧會之于吳佛圖澄之于

晉鳩摩羅什求那

按太平御覽引高僧傳作那

跋摩之于宋元奘無

畏之于唐千載而下經論翁本作論日繁教風日競北至幽

都南踰瘴海東極扶桑西還月窟蓮宮梵宇彌亘大千

實權輿于此繇歷劫火寺之興廢所

吳本作有

可考者有

無此

宋翰林學士蘇易簡文石在焉國初有僧曰

翁本作白

英山主

吳本作王誤

以醫術居洛罄藥囊之貲謀為起廢或

訝其規模太廣工用莫繼則曰茲寺中華佛教根柢他

日必有大事因緣余第為張本爾至元七年帝師大寶
法王帕克巴翁本作八思巴集郡國教釋諸僧登壇演法從容

詢于眾曰佛法至中國始于何時首居何刹扶宗宏教
大師龍川講主行育時在眾吳本中乃引永平之

事以對且以營建為請會白馬寺僧行政言與行育協
翁本帝師嘉納聞于世祖聖德神功文武皇帝特勅行

育綜領修寺之役經度之始無所取財遍訪檀施于諸
方游翁本作薦更歲籥而未覩成效帝師聞之申命大師丹

巴翁本作統董其事丹巴請假護國仁王寺田租以供

土木之費詔允其請裕宗文惠明孝皇帝時在東宮亦

出帛幣為助于是工役始大作為殿九楹法堂五楹前

三其門傍翼以以字翁本無閣雲房精舍齋庖庫廐以次完

具位置尊嚴繪塑精妙蓋與都城萬安興教仁王三大

刹比勩焉始終閱二紀之久緣甫集而行育卒詔贈司

空鴻臚卿謚護法大師文才繼主吳本誤王席酬酢眾務率

其屬敏于事者曰淨汴等以畢寺之餘功落成之際仁

王寺欲復所假田租文才即遣僧奭言于丹巴曰轉經

頌禧寺所以來眾僧也有寺無田眾安仰丹巴令宣政

院官達什愛滿

翁本作等奏

吳本請遂有賜田之命且

勅有司世世勿奪云寺二

翁本云字下有一在宜陽縣

治西九十里又

翁本里字下一在永寧縣東南二十五

里

應天禪院在河南府城東北市坊火燒街即太祖降生

甲馬營故基也大中祥符九年西京應天院太祖神御

殿成爲屋九百九十一區命宰相向敏中爲奉安聖容

禮儀使八內都知張景管勾奉迎勅諫議大夫戚綸告

永昌陵

上清宮在洛陽縣西北北邙山之西唐老子廟乾封賜

額曰元元皇帝廟開元末西北別建元元觀復改曰上

清宮宮壁有吳道子畫神堯

吳本作宗誤貽端

太宗中

宗睿宗元宗五帝御容又有元宗齋宮詩碑朱温廢爲

老子廟後唐莊宗復爲上清宮云杜少陵有冬日洛城

按杜集謁元元皇

吳本脫一元字翁

帝廟詩即其宮也

牛口谷榆窠園皆在宮之相近云廟壁龕杜甫五言

本

下衍詩一首唐陸肱所書碑也

嵩陽宮在登封縣北五里本漢武帝宮也後魏建精忠

河朔記古蹟
翁本作觀隋改上陽觀唐武后改嵩陽宮大中祥符二
思誤年改天封觀後復爲嵩陽宮宮有漢武帝御井古柏二
株蔭數百步武后皆封五品大夫世稱大小將軍云宮
前聖德感應頌碑一通唐徐浩書殿東柱刻曰國子博
士韓愈與著作郎樊宗師處士盧仝道士趙元遇元和
四年三月二十六日題

崇福宮在登封縣東北四里乃古太乙之所治也宮後
有太乙殿殿後有太乙泉云至宋章聖朝合州進木文
丈人其事甚怪比至京木中人呼萬歲者三詔賜崇福

宮安奉故李廌方叔有詩曰真人友造化故與物爲一
持此誠與神可貫金與石何爲輒入木厭世未肯出衣
冠儼如生隱若顧陸筆

測影臺在登封縣東南二十五里天中鄉告成鎮周公
測影臺石蹟存焉告成卽古嵩州陽城之墟是爲天地
之中也臺高一丈二尺周十六步可容八席周禮大司
徒以土圭之法測土深正日景以求地中

翁本上脫地
字此有乃字

建王國焉日至之景尺有五寸謂之地中唐開元十一
年詔太史監南宮說以石立表宋大中三年汜水令李

偃重建增崇七尺國朝至元十六年太史令郭守敬奏
設監候官十有四員分道測景十八年奉勅于古臺之
北築臺高二翁本十六尺中樹儀表上為四銅環規制
極精緻命有司營解舍門廡又于古臺新臺南建周公
之廟以祀之其碑則河南憲史李用中撰文也臺西則
天中觀云

嵩山中嶽廟在登封縣東一十二里曰中嶽廟殿屋宏
麗棗樓四闕角複道聯屬擬于宮庭三門之下二衛神
皆鐵鑄極雄偉兩廡碑石森列皆國朝代祀者所立也

又有唐碑一通韋行儉所撰宋碑三通盧多遜王曾陳
知微所撰國朝修廟碑一通則廬陵歐陽元撰也廟西
又有鎮皇廟云中嶽之神今封為中天大寧崇聖帝
中嶽中天崇聖帝廟在登封縣按中嶽唐武太后垂拱
四年改嵩山為神嶽加嶽神為太師使持節神吳本嶽
大都督封天中二字本皆倒誤據唐書改下天中黃帝同王禁斷芻牧萬歲

登封元年尊為神嶽天中黃帝天靈妃為天中黃后後
罷之明皇天寶五載封中天王至宋大中祥符四年端

按通考號中嶽崇聖帝貞明后乾興元年改顯明皇后

唐開元八年建考唐制每歲土王河南尹吳本奉詔祀

嶽至宋亦知府往祠慶歷後翁本有命字通判攝事今在縣

東北九里按其神性慈傳五戒不享葷辛廟始在東南

嶺上今廟廟字翁本脫之東後魏太武帝太安中徙于神蓋

山在今廟之北至宋太武方移于此廟南有雙石闕外

石人一對闕上多記刻後漢安帝元初年建

昇仙太子廟在偃師縣南古緱氏縣東南二十里曰府

店店南緱氏之上有昇仙太子廟古曰王仙君廟漢武

建西王母祠于其右王母姓緱氏故以名其山云唐武

后萬歲通天元年改賜今額又曰賓天觀觀有唐二碑

一通乃左相陳希烈撰文徐浩書一通則武后自書撰

也二碑今皆不存今惟有一碑國朝陳天祥所撰者也

天祥敷歷臺諫素翁本誤表有風節為時名臣贈平章政事

趙國公諡曰文忠世尊之為緱山先生按神仙傳曰周

靈王太子名晉字子喬翁本誤脫子字貽端按飛鳧者

喬也見列仙傳又蔡邕王子喬碑王孫子喬者蓋上好

世之真人也不知興於何代則又不以為靈王太子好

吹笙作鳳鳴遊伊洛之間浮邱公接以上嵩高山學神

仙之道三十年後七月七日乘白鶴而去因立祠于緱

山之下焉祠南有浴鶴池仙屋石室武后于石室中開石匣得一古劍神光赫然緱山大抵若覆盂之狀高不百尋周不數里且無泉石之勝因仙居之名而著聞四方也土人云至今風月清夜窅然時聞笙簫之聲

漢光武帝原陵在臨平亭南方三百二十步高六丈西

望平陰去洛陽東南十里

原注按帝王世紀作十五里

漢明帝顯節陵在洛陽縣東南三十七里故富壽亭也陵周三十丈二尺無周垣行馬四出在殿北提封田七十四頃

漢章帝敬陵帝王世紀曰在洛陽縣東南三十九里陵

周三百步高二丈六尺無周垣為行馬四出司馬門鐘

虞吳本誤虞皆在行馬內寢殿園省在東園寺吏舍在殿北

提封田十二頃五十七畝八十五步

原注按河南志作提封田二十頃五

十五畝

和帝慎陵在洛陽縣東南四十一里陵周三百八十步

高十丈

順帝憲陵在洛陽縣西十五里陵周三百步高八丈四

尺北邙山下制度並同前但鐘虞吳本誤虞在司馬門內寢

殿園省寺吏舍在殿東提封田四十八頃十九畝三十步

魏明帝高平陵在洛陽縣東南吳本作西誤四十里大石山

卽萬安山也

宋太祖永昌陵在芝田西四十里陪葬子孫十五墳

宋太宗永熙陵在芝田西南四十里皇堂深百尺方廣

八十尺陵臺方二百五十尺置守陵五百人陪葬子孫

凡八墳

真宗永定陵在芝田北五里皇堂深八十一尺上方百

四十尺

仁宗永昭陵在芝田北十二里初崩發諸路卒四萬六

千七百八十人修奉山陵

英宗永厚陵南至定陵七里一百三十步東至昭陵九

十步

神宗永裕陵在永厚陵之西

哲宗永泰陵在裕陵東北

漢劉寬墓在洛陽上東門外墓南二碑漢隸蔡邕所書

碑首

翁本作道誤

題曰漢太尉車騎將軍特進遂鄉侯劉公

碑貽端按隸釋漢下有故字鄉其一碑門生殷按隸釋作商避

碑下有昭烈字公下有之字宋宣祖苞等所立碑陰刻贈物綠含玉落星錦之類一

碑故吏李謙吳本誤諫所立也碑陰刻故吏鄉里名氏云二

碑所載與漢書同但遷官次序頗略異耳寬以漢中平

二年卒至唐咸亨元年其裔孫湖吳本誤胡城公爽以碑歲

久皆仆于野為再立之併記其世序云嗚呼前世士大

夫世家著之譜牒故自中平至于咸亨四百餘年而爽

能知世次之詳也今之譜學亡矣雖名臣鉅族未有家

譜然而俗尚翁本作習苟簡廢失者豈止家譜而已哉

杜氏墳在鞏縣西五十二里首陽山東唐杜審言及子
閑孫甫三世墓皆在焉

宋參知政事范文正公仲淹墓在洛陽縣南七十里神

陰鄉彭姿店東北萬安山下其子丞相忠宣公堯夫以

下皆耐葬兆內文正公之碑則歐陽文忠公撰文額翁本

作賜曰懷賢之碑貽端按史傳稱帝親書其碑曰褒賢

下同賢之碑據此則懷當作褒然今搨未見未知其審忠宣公神道碑則曾文昭公

肇撰文額曰世濟忠直之碑吳本誤破墓東則守墳褒本皆

哀賢寺寺有范氏復祖墓翁本作墳碑一通天台陳基之文

也其略曰宋太師魏國范文正公以上三世墳墓皆在
吳門之天平山至公始葬洛陽母謝夫人之兆其子丞
相忠宣公以下三世皆附焉靖康之亂子孫在吳弗獲
展墓逮我元混一故公克登祀典有司致祭惟謹公八
世孫文英謂其子廷方曰吾子孫幸生明時憑藉餘澤
食有義田居有義宅教有義塾而祖宗邱隴鞠爲芻牧
之區尙安得爲子孫哉廷方自吳門不遠數千里致其
父命于河南僉憲李齊御史沃咭海壽翁本幹勒海壽出金爲
倡率其鄉黨收俸奉牲墓下豪民觀感卒復所封舊地

薙草繚垣壤樹築室俾甥趙氏廬其上又曰文正公以
間生之氣王佐之材致位將相爲宋忠臣誦其詩讀其
書可以立忠信而尊君父興王道而致太平其父子窀
穸使斧斤耒耜相尋其中豈國家尸祝以待先賢之意
乎基字敬初能詩文游京師名稱藉甚則余之故人也
邵康節先生之墓在洛陽縣南伊闕西南九里曰辛店
伊水西也

洛陽金石刻 ● 漢碑 大尉劉寬碑二通 丞相蕭何

碑自注折 ● 魏碑 三斷碑二通自注皆漫無字 ● 齊碑 佛

龕碑自注天統三年立武平二年刻貽端按偃師縣有佛堪銘龕作堪亦題天統三年建惟不言武平二

年刻豈又二祖天師碑 馮翊王平等寺碑 吳本翁

別一碑耶下皆脫寺字今補貽端按此碑武平三年刊鄭樵金石

略有北齊馮翊王平等寺碑武平二年在洛陽卽此碑

傳寫誤也 ● 後魏碑 侍中廣平穆王碑自注俗云陵

景王碑 魏汝南文宣王碑 末帝碑 元魏碑

自注韓殷隸書天平四年立貽端按金石錄有東魏大

覺寺碑在洛陽韓毅隸書天平四年跋云北史毅魯郡

人正書當時碑碣往往不著名氏毅以書知名故特

自著之也然遺跡見于今者獨此碑爾據此知當時碑

碣僅有韓毅著名元魏碑蓋卽 昇仙太子廟碑自注

大覺寺碑韓殷乃韓毅之譌耳 昇仙太子廟碑自注

文貽端按王子晉祠自唐武后始改爲昇仙太子廟武

后自撰碑文此云梁雅未知何如人然據廟名則當在

偽周時而目列 ● 唐碑 啟母廟碑自注楊炯文貽端

唐碑前似誤 啟母廟碑崔融撰永淳二年並載少姨廟碑楊炯撰永

淳元年跋云少姨廟者則漢書地理志嵩高少室之廟

也其神爲夫人像者則故老相傳云啟母塗山氏 金

之妹也疑此兩碑相涉撰人姓名所記有錯誤耳 字碑自注

字碑自注韓滉書吳本 義成軍節度使曹公碑自注

四年 程公碑自注陸賢書開元二十 劍南東西川

立 鹽鐵青苗租庸等使兼殿中侍御史虢州刺史嚴公碑

自注顏頊書元和中立吳本 龍門龕石像碑自注袁

顏頊誤作順頊據翁本改 龍門龕石像碑自注袁

貽端按金石錄有周整法師龍門石龕像碑僧波崙撰

袁元愬作繼正書蓋卽此碑惟石龕二字互易愬又變

哲 彭王傅贈太子少師徐浩碑自注次子徐現書吳

本現誤覘據翁本改 待學樓

河朔言古 卷下 三

貽端按今碑本缺金石萃編云通志金石略書史會要皆稱浩次子峴而碑則云伯仲之存者四人日璩璿玟遂之上文泐不可見玟之下文日現嘗以家傳遺文俛敘其志云云似即書碑之次子則當作現字與伯仲名同从玉然諸書皆从

山作峴亦不能定也 啟聖宮臺勅碑 自注太子亨題 貽端按此碑當

建于天寶太子亨即肅宗 雒陽尉馬允中碑 貽端按 金石錄

也楊珣碑亦亨奉勅題額 張說撰盧藏用八分書景 黃門

有洛陽尉馬克忠碑張說撰盧藏用以形似而誤 延州刺史

龍三年當即此碑而允中克忠字以形似而誤 延州刺史

侍郎孫公碑 荊州長史孫公碑 自注張 延州刺史

孫公碑 自注開元 齊州刺史崔府君碑 自注崔平書

陳公碑 自注蕭 右僕射曹公碑 自注正元 左僕

射牛公碑 自注長慶 邕州刺史裴公碑 自注鄭還古

立貽端按金石錄有常侍裴恭碑盧術撰鄭還古正書開成五年疑即此碑其結銜或截取有不同耳

房州刺史盧府君碑 自注張文禧書 東都留守盧府

君碑 自注開 太原少尹盧府君碑 自注張文禧書

歙州刺史郭府君碑 自注開元十二年立貽端按金石

撰八分書姓名殘缺開元二十年疑 郭茂貞碑賀知章

碑 自注嗣子書 塞軍使張公碑 丞相司空李公碑

自注太 明威將軍田府君碑 韓尊師道德碑 自注

和中立 太子賓客王府君碑 自注周式書大 工部侍

四年 太子賓客王府君碑 自注周式書大 工部侍

郎趙公碑 自注王宣書 左衛大將軍卞國公泉公碑

開元十年立 左衛大將軍卞國公泉公碑

待學樓

自注彭果書貽端按新唐書泉男生高宗朝進右衛大將軍卞國公卒諡曰襄勒碑著功此泉公蓋卽男生也
左衛當是 左僕射太子少保劉公碑 都督隴右羣
右衛之誤

牧韋公碑 秦公碑 太子少保翁本崔公碑 廬州

司馬劉府君碑 真堂記碑貽端按金石錄有洛陽縣會喜寺碑自注

分書開元二十六年疑 測景臺記碑 會喜寺碑注

此真堂卽食堂之誤 嵩岳廟碑自注八

徐洪八分書貽端按會喜當是 嵩山寺頌碑自注胡莫書開辨正禪師奉先塔銘碑

會善之誤寺在嵩山碑最多 辨正禪師塔院記貞元中徐峴

嵩山寺頌碑元十七年立 太子翊善鄭公碑 光福寺塔

自注徐現書吳本現誤規據翁本改貽端按此卽徐浩
次子說見前集古錄有辨正禪師塔院記貞元中徐峴
書當卽此碑而銘與 太子翊善鄭公碑 光福寺塔
記各不同未知孰是

題名碑自注王仲舒書貽端按金石錄云韓退之題名

等在嵩山天封觀柱蓋退之自書又一本與石洪
等題名在洛陽福先寺乃同遊者所書爾集古錄亦云
一在福先寺塔下據此疑是福先誤作光福王仲舒蓋

同遊 嵩山題名碑自注韓愈書貽端按元和四年

者也 江陰縣令武登碑自注長慶 澠池縣南館記碑自注

分書 太子賓客孟簡吳本誤間 普寧郡王陳府

君碑自注蕭 權公碑 太原尹唐公碑自注盧曉

工部侍郎趙國公碑 襄陽李公碑 惠林寺題名碑

惠林寺新修軒廊記碑 清河崔公碑 太子賓客

孔府君碑貽端按金石錄有太子賓客孔述睿 諫議

可月方古已 卷下 十五 待學樓

大夫王府君碑

白樂天墓志碑

貽端按樂天自撰墓志葬下邳縣臨津里

北源而舊唐書本傳則謂遺命不歸下邳可葬于香山如滿師塔之側家人從命而葬焉據李商隱所撰墓碑云葬龍門則與唐書合此碑豈即李撰耶其為葬洛無疑矣

自注許

吏部郎中盧府君碑

如雲筠禪師碑

自注楊遠

邪書

尊勝幢碑

自注篆書

心經幢子碑

自注篆書貽端按唐人多刻經於幢

蓋篆書甚少故獨記此二碑

白樂天龍門八節灘詩碑

自注樂天自書

鄭州司馬王公碑

自注景龍三年立

伊州刺史衙府君碑

自注注

長安三年立

蕭府君碑

杭州刺史李公碑

自注部公書

印

州刺史狄君碑

貽端按金石錄有邛州刺史狄知慈碑書撰人姓名殘缺載初元年據唐書知

慈作知遜即仁傑之父也金石萃編列邛州刺史狄君碑謂君之名已亡就其文中可見者推之知為仁傑之父知遜王氏豈未檢金石錄耶又云碑無立石年月傳稱仁傑中宗返正追贈司空睿宗追封梁國公碑已有司空梁國之語是當立於睿宗時據此則與金石錄所言載初元年不合豈其本有二碑耶寰宇訪碑錄前後兩載之洛陽此書所記

者未知其為何刻也 幽林思嵩山詩碑 自注韓覃

集古錄幽林思廬山林藪人韓覃撰

杜甫題元元皇

帝廟詩碑 自注陸肱書

白樂天香山寺詩三十韻碑

自注賀拔

恭書吳本拔誤枝翁本枝改作拔今據改本貽端按賀拔恭與白敏中為友見唐摭言又按白樂天集中無此詩惟有重修香山寺畢題二十二 李德裕平泉山居

詩碑

貽端按金石錄云德裕八分書

天后御製詩碑

自注王知恭書貽端按天后御

製詩書各一首此特舉其詩耳碑在嵩山少林寺永淳

二年立王知敬書金石略作王知恭書說嵩云碑刻知

敬鄭氏以為知恭蓋譌矣中州金石記云蓋五代人避

晉祖諱宋人引其文多未更正非二也此書亦作知恭

豈第沿舊文實後魏大將軍泉府君碑 華夷圖碑

未親見碑刻耶 賈耽有海內華夷圖廣三丈縱三丈三

貽端按唐書稱賈耽有海內華夷圖廣三丈縱三丈三

尺率以一寸折為百里豈此圖會刻石於洛陽耶今西

安府有華夷圖題云阜昌七年十月 洪州錄事參軍

朔岐學上石則宋劉豫時所刻也 自注唐惟蔚書 魏公碑

趙道先碑 節度使畢公碑 咸通六年立 魏公碑

自注太和 隋州錄 吳本州錄二字事參軍狄公碑

六年立 互易據翁本改



程